

求是堂詩集卷十六

西臺集

涇縣 胡承珙 墨莊

題江船載月圖送王子卿

澤

太守之任江蘇

秋江清秋月明鯉魚風細寒潮平江上青山舊相識乘潮

欲共兒童迎扁舟載月輕於紙蘸筆江波碧如綺天教寫

盡江南山但飲吳淞半江水回看江上謫仙樓曾披宮錦

樓上頭承明侍從十年久一麾依舊陵滄洲君家短簿好

祠屋詎異牛渚堪清游三江近接五湖口何地無月無扁

舟却聞銅山之錢海陵粟近日官司苦不足若將上考署

催科恐致逃亡費敲朴願賒月色送泉明

見李白送韓侍御之廣德詩

去照江干小家屋

錢農部衍石患痔戲爲一詩問之

先是子亦患此困卧十餘日

造化爲大冶覺寤同遽然陰陽氣時沴鑑井徒跼蹐支離
託常疾受粟終天年吾生不材木軸解得自全痔病不適
河巫祝所棄捐譬如白鰯牛免被文繡纏君胡亦嬰此毋
乃膏自煎獨坐何用娛同病應相憐虎蛟不可覓櫟鳥空
翩翩二物可已痔見山海經尻輪駕神馬庶與游其天

和翥雲孝廉感懷

才得蘅蘭寄漢臯北風吹客又燕郊懷中刺做空歸計裒
裏書成半絕交歲月拚供糜脇酒乾坤何處蓋頭茅十年

我已忘元白棖觸因君作解嘲

春雪寄翥雲

昨夜重衾壓夢魂小牕如霧失朝暾六街風急燈無影一
室春融硯有痕薄欲資清銷堀堞倘能分潤到田園做裘
好在相料理留得花時付酒尊

第三兒以痘殤

玉雪殊堪念著星那可知兒生時以周易筮之吉日者推其祿命頗佳病應無
死法藥竟誤庸醫化魁孃猶戀求神我亦癡金環空在臂
何日是來時

念念元夕過草草晬盤陳紫鳳猶棲褐黃雞忽唱晨終歸

三尺土祇作一年人旅櫬鄉關隔泉途實少親

邑邸梨花盛開翥雲促予置酒邀同人坐飲其下次

日風雨至矣作此寄蘭坡侍講并東翥雲

蜂蝶西隣鬧作窩隔牆終日眇庭柯尋常逋債詩居半九十春光病誤多花意殷勤煩久待酒懷牢落易高歌鄮侯火迫君休恠風雨連番柰若何

陰雨連夕梨花盡矣仍次前韻寄蘭坡翥雲

曉雲剛欲置行窩夜雨那堪變舊柯一歲花時能有幾萬人家樹此無多京師梨花似此者頗少玉容寂寞宜含淚金縷玲瓏試聽歌待到重晴春又盡祇須排日飲亡何

朱公子素濤招游法源崇效寺看花歸集有嘉樹軒

分韻得是字

長安花事稀蕭寺亦無幾城西數株樹一一堪僂指憶昔偕計車禪房覓棲止曉枕聞鐘聲呼魂出花底薄宦逾十年卜居近塵市花時必清游茶瓜輒移晷歸卧小牕中折枝猶可喜况此半畝園紛然雜桃李編籬引曲徑結屋與舟似主人身不閒叱馭上隴坻尊甫靜齋侍郎時出使在甘肅一枝春較遲無由寄驛使令弟謂蘭坡與郎君翩翩接游屣古寺行扣

扉芳園坐斟醴令我忘幽憂持杯向花醺久客懷江南夢去道如咫惟有花開時胸塵快傾洗今春翻苦寒流光去

人駛風雨之所餘稍稍綴紅紫痛飲君莫辭
逡巡到婪尾
春鳩鳴屋角首夏明朝是

五月望日出西郊與同人會宿海淀

多病疎人事西郊到亦稀自憐青鬢瘦翻妬綠陰肥
倦馬猶馳道閒禽獨釣磯且從三五夜相伴宿清輝

題東坡笠屐圖

瘴雨蠻烟尚有情神仙遊戲一身輕
回看鞞玉圍腰客翻是挖泥帶水行

笋皮如斗覆頭長幾兩平生自蠟忙
我已十年閒不著水雲深處憶江鄉

秋日感懷寄何蔚齋秀才

秋入燕臺第幾層思君猶憶佛龕燈
天街踏月涼于水蕭寺攤書定似僧
自笑老非孤竹馬相期翻作脫鞵鷹
槐花滿路人如織爽氣西山見未曾

每欲相從話故關清江百里接彎環
因諳薄俗憐今雨况愛幽情似小山人
意與雲同入妙詩篇如草不容刪
江亭好約同攜酒爲我歸心放白鷗

贈族姪鶴書

不有簪纓累胡爲溷輭塵
熱腸虛作客冷眼飽看人
勿藥方多古長醒
瓮自春君體健而頗蓄丸散濟人不善飲而好釀酒何時策鄉杖

歸步賞溪濱

以吾鄉雨前茶饋汪均之與之兄弟

何緣二妙在比隣陸解東西隔市塵好是讀書深夜後一甌冰雪足清人

自別烟蘿久未還故園茶事最相關君看活火烹新綠純似江南雨後山

又送茶尖亦吾鄉佳茗也

讀書聲近日相聞小閣冬心擬對君旅客思烹燕地雪故人剛寄敬亭雲拂衣淡蕩原同調洗盞濃香合與分好作新詩酌桑苧莫教輕著伐茶文

余近因病客有勸禁茶者故及之

同人集家玉鑊厲邸賞雪分得凍字海字

朔風捲地來十丈塵瀕洞彌望鋪同雲青天忽無縫肺病昨始蘇宵清入幽夢詖蕩天門開身輕駕白鳳素驂前奔馳浩峴後附從驚起看瓊瑤紛飛冒薨棟元氣滋鴻濛靜極息羣鬩開簾眩心目萬象入妍弄俯玩饑雀馴仰睇飛鳥變故人行扣門招邀在隔街移尊足十客開徑逾二仲吾儕無幾求此樂天所縱一浣塵土腸興逸那可控到手深杯乾莫使酒鱗凍

小園已無花枯株成痲瘡空館當蕭辰相思令人饒飛翼一紛披驟覺長精采始知點綴工大巧費真宰戶牖深通

明庭階遍瓌瓏疎林一俯仰彈指陳跡改春風前時來梨
花方蓓蕾促賞開行厨始免風雨悔矧茲見晁消萬事忌
姑待可憐冥飛鴻觸處爪痕在明歲花開時重來坐瑤海
掖垣夜直攜汪魚之詩讀之終卷却寄

當代佳公子如君最是賢江山發藻思風雨感華年撫劍
青霞氣懷人白雪篇竹梧蕭颯夜把卷欲忘眠

廣南太守何丈不園愚索題郡西來吉亭

萬里山川問特磨使君心跡比牂柯汜鄉侯本君家秀曾
習中和樂職歌

千載且同

亭名見漢書且平聲

舊有亭木桐花發曉冥冥扶風喜雨

滁豐樂點入蠻山色更青

送家玉鑊由翰林改官費縣

薊野秋風動地來臨歧執策重徘徊陵雲賦罷人爭識斫
地歌頻爾莫哀天上寶書須有用懷中采筆未妨才神仙
官府知多少肯遣王喬去不回

冠石山光滿馬前行春看浴小沂川漢家吏治緣經術魯
國風詩補管絃但使賣刀羣買犢何妨漑釜便烹鮮二東
杼柚應無恙見說于今屢有年

鳳雛驥子憶當時須髯相看各未衰把酒又爲重九別種
花已是十年遲

君先以孝廉應選知縣不就十年後成進士

清風曷我承家操

霖雨輪君濟物資身事無多還易了石岩松雪有心期
予與君讀書石岩寺

朱文公牙章名印歌李蘭卿舍人屬賦

六經在室光熊熊照眼恍見研朱紅維公名字印方寸赫
如赤日當天中慶元黨禁注名籍羣凶指斥皆先公朝端
曳紱卅日耳御批麾去何匆匆優人乃至以儒戲書生豈
必真詞窮苦持剛氣疾輒熟狂瀾欲挽川流洶惡直醜正
有如此此物圭角甯磨礪君不見晦字祝聞劉子羽遯爻
筮得蔡季通盛名自古遭齟齬天乃以道昌其躬程門有
源終印合陸學至晚難符同西銘太極辨不輟想見鈐尾

封郵筒後來竟至判門戶是非自在誰折衷庸流欲附大
木芘妄人輒敢長城攻豈知正學如正路力行實踐難爲
功一坯祇可土壤益萬古不廢江河東即看小物重彝鼎
丹砂晃曜開昏蒙刻畫篆籀見嚴整切磋表裏成昭融名
山不受風雨蝕象骨何異千辟銅昔游鹿洞拜公像莪冠
濶衷殊雍容公名况自髫髻熟那不奉此當心胸李子邀
我作長句寸筵便欲撞洪鐘君家七閩我宣歙兩鄉遺跡
尤尊崇周情孔思滿懷抱寶之永鎮羣書叢但愁驚倒隣
舍翁光氣夜夜騰長虹

重題景湯風檣陣馬圖

此圖作於甲子年景湯時年方少意氣甚盛予爲
題七言古詩一章頗寓箴戒之意今景湯年四十
矣牢落無所成就頗鬱抑不自聊復以此乞題賦
此解之

阿戎何事尚浮家四十飛騰莫景斜千里聯牀歸是夢十
年開卷鬢俱華終知上坂鞭難著愛聽迴颿鼓好撾早晚
同尋山水去君租牛具我魚叉

寄朱峴谷 伯明經績谿縣教諭

宦游纔百里橫舍若比隣蝶宿花陰晚鶯啼柳巷春酒錢
無待送官飯不憂貧想得唵風處諸生快飲醇

世路風波外閒看不繫船誰言足官府此席是神仙樽酒
思前日論文尚妙年故人簪白筆依舊冷青氈

夏日偕同人游西郊諸寺各賦一律

到寺不知暑新蟬入靜聽叢深花晚落旱久樹偏青活水
通諸澗濃陰護一亭非緣謀野出塵困若爲醒

右極樂寺

宰堵何年聳高標耐烈風番僧虔繞足稚子健陵空北極
青冥上西山杳靄中登臨思往日筋力已難同

右五塔寺

花木僧房曲垂簾盡日清諸天含石氣初地殷松聲肅客

茶瓜潔安禪梵唄輕門前車馬路何限逝川情

右萬壽寺

不逐層坡轉誰知古刹藏過橋分竹色隔塢遞荷香地僻
僧衣敝時艱佛座荒晝長成久憇歸路未斜陽

右紫竹禪林

陳鳳石 寶泉 廣文六十初度

一別春明役夢魂聞君官舍似山村兼人酒戶猶驚座送
老蠶鹽好閉門賴有侯芭問元字更將通德伴黃昏故人
欲傳方山子他日相逢與細論

題江亭話別圖送查九峯觀察任南汝光道

廿載紅依幕府蓮飛書草檄致翩翩居官至竟懷鮫客報

國曾經斬水仙

君以捕海盜
有功加秩

更向神州持篋節重煩

天語問樓船

御屏早已書名姓知有循聲在海堧

幃車繡斧出長安開闔中原馬上看召杜即今猶屬吏甫
申從古是屏翰清時冥阨空留險雅量神陂好比寬却喜

家山千里近常聞慈竹報平安

太夫人年
八十餘

九門風雪話心期一夕旗亭把酒卮蘭石我應憐誼篤

前

蘭石二字題君齋額晉書桓
彝傳吾邑有蘭石鎮故云

苔岑人盡悔交遲嵩陽片月

明前導淮水清流感夢思滿眼蒼葭依翠木各須無忘歲

寒時

次韻陶雲汀給事與高麗貢使唱和

句驪有客艤浮槎望氣逢君一笑譁詩筆早經傳海國山
川重與問江華揮毫價貴雞林紙入座香分鳳餅茶好是
菊蘭拈句後掛名應許到君家明天啟中朝鮮使臣入貢有澹雲微雨小姑祠菊秀
蘭衰八月時之句東坡和張耒高麗松扇詩云掛名君家詩集裏

補藤軒次朱蘭坡韻

滿胸塵坳苦難捐讀罷新詩覺灑然歸去薜蘿長在念荷
來畚鍤且隨緣肯教傳舍荒榛棘時予方葺廬宅判與風霜歷歲
年見說海波猶日下朱竹垞古藤書屋在海波寺街他時誰並舊陶符

同人邑館賞梨花子以事未與次董近溪正治孝廉

韻且訂後會

鄉音團坐笑言齊粉淡香清一樹梨金屋裝成原待洗玉
壺名好若為題嚴城更鼓宵偏隔小院秋千夢欲迷此後
敲門期日涉不須三請用黃鸝

翥雲孝廉寓寄春花塢索贈一律次蘭坡韻

萬種疎狂獨酒親知君不負眼前春尤憐小住閒花塢莫
悔輕拋舊釣綸風雨相催如過客乾坤無用是唵身江南
芳訊誰通問我亦天涯繫跡人

翥雲下第後移榻做廬賦此贈之

知己天涯好情親况本宗浪游君覓養薄宦我妨農鶴髮
殷勤望令原急難逢子時聞先兄訃百年多感慨何處寫懽悰

相看渾未老相聚且忘貧但惜杯中物無嫌衆裏身近鐘
喧古寺高樹借比鄰一榻琴書仄猶堪避俗塵

題萬柳堂話別圖送雲汀給事之川東兵備道

百年高會此城東人物於今豈異同中禁聲名原比鳳外
臺威望尚乘驄攀芳蘅杜知家近轉楫鹽麻自古通即日
瞿塘秋漲盛君行先試濟川功

栢府梧垣積衆材霜稜游刃獨恢恢江湖轉漕徵神助竹
木呈能見吏才君視漕淮安有禱冰圖近巡視東城修葺育嬰堂數十間和令長身還

有節崔公判手本如雷何當了却官家事阜蓋能忘折野

梅用少陵句

十載前摹劍閣銘重攜蕩節問青城信知嚴尹安危繫謂

礪堂制軍可少文翁禮化成漢使筇枝徵莫急巴人賓布稅常

清承平猿鳥皆歡喜一曲渝歌轉有情

香火盟深近局頻離筵翻惜酒逡巡紅塵點綴宜吾輩錦

里逢迎定有人獄市豈堪膺後寄時予奉命巡視東城與君相代畫圖

且與認前因是日拈花寺僧出元人畫軸共觀并查聲山康熙已卯書字一幅至今歲已卯百廿一年

矣君乃題座中諸人姓名其上他時若憶浮瓜燕江水東流託素鱗

次韻董近溪新秋招集寄春花塢

九衢車馬日悠悠，道暑無方似避讐。
兼庭院入初秋，雜花得雨紅尤活。
高樹如雲碧欲流，夜櫳頻聞歸路近。
幾回殘月掛簾鉤。

疊前韻東董近溪吳竹仙森兩孝廉兼調翟述菴比

部

天涯身世兩悠悠，惟愛鄉音拉雜讐。
醫有奇方難療俗，花如名士却宜秋。
雞豚近局尋常共，裙屐華年宛轉流。
莫學長安名利客，睡蛇何事不能鉤。
述菴每至燈上輒欲眠

次韻述菴見贈二首

中年哀樂苦多端，好在朋簪合古懽。
廣廈那酬寒士願，名

花猶當故人看，雀羅門巷居休厭。
鱸膾江湖覓亦難，畢竟

天涯知己在，可無回首憶長安。
時君將乞假歸里

何必雌雄辨，甲辰莫令磨蝎亦纏身。
君與予同歲生，昨陶雲汀觀察爲予推星

命有宮居磨蝎與蘇老同風之語，故戲及之。浮雲世事空千變，舊雨言談只一

真。讀律好爲無害吏，吟詩終屬有情人。
遙知甘露軒中客

王李風流勉後塵

王審知德政碑

紇干山雀凍且僵，羣盜競欲登金牀。
岩頭矢口滿潮水，三龍奮迅開閩疆。
白馬郎君材且強，拜劔劔動神飛揚。
山上千年樹，阜莢港邊一夕封。
甘棠豐碑頌德豈盡偽，可惜詔

命由朱梁黃金鑄佛已無謂何況繼世尊寶皇九龍帳
薰陸香鼓山不救風吹楊騎馬來仍騎馬去亡諸往事同
悲傷君不見三千強弩攔錢塘錦衣玉帶歸故鄉開門作
得節度使貽謀豈失爲孫郎劉景升兒豚犬耳自相吞噬
如參商羊來入屋錢入腹坐使先德成銷亡丹蕉施赫荔
子香行人下馬奠酒漿可憐五縣爲天子何似瑯琊大道

王

病痔十餘日口號一首東董近溪家翥雲兩孝廉

愛閒多病早宜休卧榻無端集百憂萬事須防成養癰集韻

委勇切一身如幻况懸疣徒憐肘柳支離狀妄憶尻輪汗漫

游剩把方書銷伏枕微生除藥更何求

題近溪不窺園詩草

紫翠山千疊清冷水一泓吾鄉饒畫意先哲擅詩名唐咸通時

芳林十哲中許棠即吾邑人見王定保摭言身手君殊健乾坤氣自清下帷攻

苦久此卷合錚錚

風雪長安夜聯吟送歲徂騷壇雖久寂吾道未應孤好事
求龍蓄悲歌問狗屠細論他日約雲樹不模糊

病中送述菴歸里

卧病十日不下牀忽聞故人還故鄉霜清一夕驚落木別
意已與千山長故鄉迢迢好烟水故人家在桃花裏竭來

射策金馬門試著歸鞭僕僮喜憶昔與君俱少年柘枝並
逐春風顛健如黃犢那復得化爲白鳧殊可憐君今豪致
仍過我小黠大癡無不可酒酣以往氣復馴令人樂共車
公坐邑邸故人留尚多挽君驪駒白玉珂季鷹豈是秋風
客玉局何妨春夢婆君言長安居不易歸挈妻孥亦良計
但令杯水對孟光肯爲多金詫蘇季只我長煩送客身夢
君先夢江南春無田多病不歸去空使桃花笑煞人

雪後攜酒約同人登陶然亭用禁體分韻得鹽字

窮陰沍合天如黏大塊捲雪號飛廉長安城中萬爐火熱
盡不解寒威嚴酒人恃酒百無畏衝風一路牽車檐空亭

物外人跡絕但有凍雀棲危檐可憐積素在閑曠清光已
被輕塵霑西山娟娟隱雲霧恰似靜女遮重簾皴痕裂指
冰結髯酒氣乍拂回春恬飲戶寬來并三雅嗔肩聳處成
雙尖老拳競賭座上勝韻脚險向筒中拈聚星故事此重
舉白戰禁道庭堆鹽與酣耳熱意未厭不知短晷沈西崦
君不見至後逢壬適九日豐年已兆農夫占遺蝗瘞地麥
苗盛夢中說餅醒猶甜

農家言今歲冬至後九日得壬明年應大熟

惟聞黃沁

決未塞柏冬沸鬻魚羣驗竹槌石菑匪難致所恐萬室無
襦襜安得投醪竟同醉宜房快築時無淹寄聲元冥勿作
虐陽和轉曠生窮閭吾儕好事定增倍玉壺勤買爲君添

爲江滿洲

仲農部題乞食紅袖圖

春風花落溧水濱漂母一飯哀王孫悠悠世上半肉眼能
識英雄惟婦人况復桃花映人面不是紅綃即紅線夫子
寧終貧賤人郎君倘遇神仙眷君昔翩翩畫省中十年京
雒重相逢浮雲世事原多變如水臣心豈諱窮無端作此
成遊戲夢覺何須辨真偽寶劍猶懷俠士腸明璫省識佳
人意我亦金門乞粟人侏儒飽死笑長身干宵采筆竟何
用依舊饑寒趨路塵輸君此卷真長策男兒只合惺惺惜
回頭却笑杜陵翁空著儒冠問殘炙

又題紅袖乞詩圖

走馬章臺學畫眉調黃暈碧費才思何如采筆傳宵夢寫
付了孃十索詞

不須天女問維摩簾底花枝自裊娜爲有嗔情消受得紅
兒能解雪兒歌

東陽帶孔每移旬囊裏詩多不救貧我有旗亭題壁句也
應乞與卷中人

冢宰英煦齋師命題驄馬圖

青雲一抹生綃開權奇想見真龍媒試之平路豈能別急
鞭始信非凡才憶昨欃槍彗紫極天狗墮地聲如雷吾師
繫鞵方扈從屬車豹尾從容陪甘泉夜半遞烽火

帝遣速返禽渠魁馬亦忠誠感人意但有奮迅無遲回霜
蹠數尋躍白澗草頭一點飛黃埃三時疾走百卅里萬人
齊唱金吾來嚴城桴鼓傳契箭縛取首惡如提孩鐘簷不
驚妖氛靖游騎穩步銅街槐功成事定顧牧圉牽來卓立
無虺隤天生神駿肯伏櫪矯首尚欲周九垓太常都護兩
驄馬若以比此猶駑駘時平襲養荷恩厚青絲作絡連錢
隈房精月暗籥歸去敝帷裏送封蒼苔絳騶安唱忽思痛
唵成汗血留餘哀師惜驄馬詩有汗血風聲之句吾師寫此有深意令人
展卷重低徊
廟堂進退佐

天子提銓詎止兼王裴感激馳驅匪難致要從暇豫儲良
材不須更範銅作式城東自有黃金臺

己卯分校秋闈供給單雜詠十四首

秋風吹客到重扃藍水渾疑響澗瓶瘖面何心費塗抹廣
眉有意畫娉婷看朱幾度愁成碧脫白從茲快拾青恰似
染衣逢九烈誰云文字本無靈藍錠

五星明處篆烟微不夜侯封更賜緋漫道明經皆白蠟可
知燃杖有朱衣光分彤管修書坐榮比金蓮照院歸記得
第三條盡後淚痕心血一時飛紅燭

五花作勢自翩翩妍醜分明在眼前卷篋底如幽暗獄硯

池中有蔚藍天含毫待洗沉冤氣握管先操注命權右掖

年來會讀律

予以去年七月轉掌刑科

此中三尺更森然

判筆

昆吾躍冶定非才偽體紛陳待別裁未必出硯皆霍霍誰能游刃最恢恢壯心漫恥雕蟲篆寶氣終思剖蚌胎割取

泥金才數寸可憐落紙已成堆

裁刀

簡點平生幾石交陶泓初試已投膠磨成鏡樣應知苦敲得門開莫便拋針芥可能將玉引瓦直終恐使田堯懷鉛

輒爲重關阻

御史點名在東西磚門子以丙子與斯役

初向中唐覓一坳

磚硯

琢玉傾銀固自殊瓦甌適用不嫌麤田家盛酒看應慣佛法傳衣借與俱射覆祇如占窶數量才何止限甌與誰爲

感慨悲歌士擊節還防碎唾壺

瓦盆

已隔塵囂一萬重還將疏布隱房櫳臨牕看奕先多暇撤

幕焚香亦至公默坐婦疑三日後散朝人憶半天中關心

每聽銀鉤響矮屋何堪徹夜風

門簾

幾帙叢殘半架虛真如家具少於車常時未免束高閣此

日空思行祕書杜撰先愁徵引僻包彈休幸勘磨疏

分校每房

禮部各送科場條例一分多置架上

聊將食器縱橫度略當陳編飽蠹魚

書架

一月何煩計宿春勝他粗糲百年中素餐敢道文章報嘉

穀無忘種殖功客有炊珠居不易人能比玉歲應豐東陽

草帶從來減儉腹猶資顆粒充

細米

行厨淡薄憶嘗新勺藥調時却取陳三斗未堪逢酷吏連
房聊與乞比鄰文章瓊覆同無用滋味儒酸此最真日費
大官供幾許可能周禮闕醯人高醋

廿七風流羨庾郎此間首宿等閒長頻煩送累園官馬織
瘦形摹博士羊下邑那堪飢色見諸生須識齧根香銘心
已作冰壺傳忍負黃齏舊日腸菜把

水乳交融軟玉團刀砧不用便登盤淮南昔日傳方法門
下他時列食單雅訓略同幽未字佳名尤稱腐儒餐平生
茹啖原攻苦肯效馮驩缺屢彈菽乳

啾啾鏈子小於拳公膳雙頰此得偏割去鉛刀應免笑舐
來丹鼎也成仙十旬養氣纔如木五夜聞聲好著鞭分與
餘糧同鶴俸先生無寐要談元雞雛

烝花壓玉話長安也學將軍捧腹寬束脯求師當詎易舉
肥相士得誠難屬饜肯便輕雞肋知味何須嗜馬肝定有
虎頭飛食者布衣今日待君看豬肉

求是堂詩集卷十七

東瀛集

涇縣

胡承珙

墨莊

將之延建邵道任留別同人

銷寒幾度耐嚴冬
吹轉春風意轉慵
別恨恰當花事好
宦情那及酒痕濃
浮沉客難東方朔
止足吾思邴曼容
最是平生禪社侶
不堪初聽隔城鐘

走馬蘭臺祇自憐
一麾江海路茫然
懷人有夢來天上
經世何心看髻邊
才退中年思學道
病當小劇愛歸田
無端又逐飛蓬轉
漂泊憑誰問宿緣

官燭從今照簿書
渭城欲唱自嫌麤
仙山鶴駕空回避
神

物龍津定有無歲課聊充茶戶長生涯
遑問橘洲奴風塵
湏洞知何極清鏡還應認故吾

君恩原許俸錢支草草輕裝也費治殘帙却煩兼兩載宿
逋猶剩數篇詩浮雲身外吾何有春水生初去轉遲贏得
故人多聚首一回差勝百相思

出都度盧溝橋

萬樹垂楊柳依依送客旌浮雲高

帝闕芳草緩王程野氣蒸沙暖春陰罩水明危欄憑望久

驅馬十年情

兗州道中遇雨宿中山店次壁間韻

相逢歸雁問程賒細雨隨風幾陣斜望望長亭心欲折
搖短夢眼生花油衣滲透原非瓦麥飯炊忙半是沙且喜
安身猶有法茅檐橫榻便如家

界河驛次壁上韻

星飯霜衾且未閒驟車夢醒又看山齊風有意欺衰髻魯
酒無功換好顏倦鳥南枝何日到哀鴻東國幾家還濟時
心力空拋却碌碌今休笑抱關

滕文公祠

馳馬佳公子行仁欲自強大賢才豈霸小國道猶王古廟
空籩豆遺民尚井疆七雄灰滅久誰爲弔興亡

馬蘭屯道中喜晴

重陰迷野似襄城忽捲氛霾放好晴白水縱橫嗟舊滂青
疇翻動認新耕頻聞曉樹呼鳩切乍試春衣上馬輕畢竟
東風好相識爲余吹斷滴簷聲

官湖旅館小憇

平湖行盡處此地暫勾留岸舫軒窗淨盆山草木幽烹茶
邀過客炊黍餉春疇二頃如堪辦浮生我亦休

徐州道中大風望駱馬湖作

東風吹客髯飄蕩不堪尋曉色征衣溼春寒水國陰天低
看鷓沒湖近覺龍吟鰕菜扁舟穩無人識此心

雨行順河集

一線長隄萬頃疇垂鞭三日古徐州水雲遮路渾疑斷春
樹籠烟半欲浮密雨只應滋麥隴好風端爲送糧舟平生
憂樂關何事敢怨行程苦滯留

無錫贈韓大令

履寵

同年

桑枝欹葢麥苗稠手種垂楊可繫舟沙鳥也知官長好釜
魚猶爲故人留家遙秦嶺雲千疊客散梁谿月一鉤久酌
山泉應有味知君不願博涼州

千里黃塵積滿胸漪瀾堂畔且從容那能坐嘯如成瑨豈
待行客識魯恭陽羨田多無計買延津劔去幾時逢風煙

北焙知何似他日相思寄箬籠

爲李蘭卿舍人題小雪浪石

萬古仇池穴三生碧玉壺我行渡東海君住近西湖

此石君得

於榕城西湖之上

雪浪空庭湧雲箋縮本樵

君曩有縮摹雪浪盆銘詩箋

乘風

早歸去攜此問清都

將往臺灣次韻蘭卿贈二首

觚棱昨夜夢瀛洲蹤跡無端出九州歷歷風烟諸島碎
茫星斗四天浮題詩剩欲誇奇觀報國何曾効細流回
首中原青一髮祇應西北倚高樓

跼跼飛鳶墮海烟天涯只在片帆前勞生尚欠當歸藥浮

世原如不繫船偶學泥鴻留爪印

君齋中小雪浪石予會題名其上

仍隨

櫪馬聽牙絃故人珍重臨歧意香火尋盟更幾年

守風崇武澳

吾道自滄洲平生此壯游春陰低衆嶼水氣鬱孤舟巨桴
三年釣清波萬里鷗樵風如可借身外更何求

辛巳二月二十六日鹿港登岸

千騎東方且莫論牧童迎我海邊村新甃雨足鬚尤茁老
樹風多頂盡髡地下有懷輸蟣蝨天涯無興寄鵬鯤去年
今日車箱夢瘦馬頻嘶出國門

彰化道中

曉雨細悄悄春寒晝屢陰征衣饒海色詩句換蠻音生事
依諸蔗人家恃竹林臺地多以竹爲垣堅密勝牆壁歸耕無計得慚愧勸

農心

食荔枝

秦皇漢武未聞道海上那得如瓜棗獨有仙人冰玉膚沐
雨籠烟住瑤島我來海國春正中屋角如火扶桑紅心知
絕世在空谷仿佛夢到扶荔宮朝來有酒漾螺盃眼明見
此蘋虬卵龍女金支爍有光鮫人火齊堆無算藍紅江綠
漫復誇傾城風味自一家餐芳頓欲換肌骨忍俊誰能惜
齒牙十年以前無此物臺地曩不產荔枝近始有之銜子飛來煩海鵠

天公著意厚窮荒應遣分甘到鈴卒萬事灰心杜牧之罪
言自著少人知揭來正值成陰候只合茲游爲荔枝

衙齋偶成

小庭風細蝶依花日午黃蜂亦散衙豈有不平鳴蜥蜴臺地
蜥蜴鳴聲如雀未知何事鬧蝦蟆偶緣礙足思鋤草莫爲傷脾便
毀茶樹影微欹殘夢醒渾忘身世在天涯

斐亭即事

旋汲清泉滿舊池徧尋異蘂得新知未堪謝客呼山賊且
學樊須作圃師滄海此亭原粒粟青天終古自游絲閑來
掃地焚香坐也算平生一段奇

扶桑花

金烏萬里翔逸駭踏折桑枝落東海胚胎元氣成扶疏鍛
鍊陽精蓄光采稠條沃葉牆東隈燒空擎出瑪瑙杯紅絨
一線燭龍吐丹砂萬片金鑪開呼工調脂不敢畫認取蟠
根出天外羲轡應從此地升羿弓定自何年掛見說長春
厯四時斜榭倒插足生機轉瞬榮華羞似槿向陽心事本
如葵無端流落魚鼉國却被時人妄品題

綠珊瑚樹歌

臺灣志云綠珊瑚有枝無葉嫩翠叢生狀如珊瑚
甚脆折之有毒漿沾人肌膚輒爛人家及村墅徧

植之為藩蔽與箴笮刺竹同功

龍工胡為不自惜琪樹琅玕擲千尺棄置人家溷廁間牛

柵雞棲恣狼籍世人但羨出水赤石上蟠根多不識述異記

珊瑚生海底碧色出水始紅故將本色示人間任使看朱亂成碧頗聞此

樹含毒漿樊圃可止狂夫狂願金如粟馬如羊使君歸去

垂空囊明珠惹苒多謗傷安用綠玉枝交相酒酣起舞鐵

如意七尺珊瑚等閑碎

澄臺晚眺

寂厯斜陽上麗譙微茫一線鹿門招鹿耳門外暗沙甚多舟人插標以識謂之

招有南招北招小園種樹剛春雨暇日登樓又晚潮公子風標看

白鷺美人名字記紅蕉天涯滋味蠻鄉景賴有詩情耐可
銷

異味

異味諳蠻俗清齋便瘴鄉龍涎薰茉莉蜃炭醉檳榔杯口

銜鸚鵡

螺杯色碧如鸚鵡故名

盤心釘鳳皇

臺人嗜黃梨謂之鳳皇梨

南烹聊自

詫終比啖蛙強

聞孫平叔同年移藩粵東

平生好在紫髯翁此別無因執琰同去路月明千里外交
情雨散一年中甘棠舊港依然綠荔子連山不斷紅試上
朝臺定回首故人猶滯沃焦東

君才似海常宜近我計歸山苦未能王式不來應有以淮
陽非卧所能勝偶看芳草思蛩駘漫向秋風較鸚鵡留取
懷中書數紙相思時與剪青燈

秋杪同人至東湖久慙歸過黃園飲於韓家園二首

海國秋光遲出郭試一訪野花猶有香碧草渾無急十里
見澄潭環流抱清曠樹簷隄外影山眉鏡中樣一篙劃空
明水雲互搖漾可惜在蠻村好景付盃浪是時風日佳晴
波綠猶漲見說湖畔田餘潤資醞釀耕餘供牛租釣罷足
魚餉西顧語海若回面漫相向萬里安用馴一漚自神王
吾儕洗眼來未要煩供張非無白接離所欠黃篋舫地偏

暫勾留興逸轉惆悵何當明月夜還來聽漁唱

清風不入城送我到東郭城隅幽僻處修竹好籬落誰家

數畝園一徑通略約亭池未斷手黃墟已寂寞時黃園主人已歿

韓園稍高敞位置苦參錯清泉更宜引叢樹須一廓草堂

迴向南茅亭尚待縛一笑悔多事無人孰商榷且效袁丹

陽徑造不須約雖無盪雲胸終勝插塵腳竹裏安行厨深

杯競斟酌醉卧君莫辭流光不可捉夕陽散林影送客噪

雙鵲攔街唱銅鞮兒童手空拍醉翁名釀泉癡兒覓快閣

自非謝幼輿誰宜置邱壑

張瓊瑀明經來郡數日旋回嘉義

共有乘桴興會邀作伴歸海雲供畫本番雀識儒衣臺地有雀

似脊令者番人謂之蠻在為我瓜期誤勞君鶴夢違衙齋似僧舍歲莫

好相依

白髮悲何限君近日悼亡青瑣計尚疏安心原是藥引睡可無

書園吏今為蝶溪翁昨獻魚加餐須努力贏得腹如壺

立冬前一日蓋碧軒方泌太守招同音健齋登額總

戎集鴻指園看菊因以酥和菊葉煎食之

何必騷人嗅落英攀條擷葉試新烹鴻園拂石秋還暝燕

寢凝香晚更清插帽不妨開笑口持螯端足了浮生為君

醉草天隨賦合占滄洲吏隱名

與碧軒太守夜話有感賦贈

四座且勿語爲君停舉杯問君從軍有何樂君言痛定猶
餘哀憶昔黃巾遍秦隴晝磨盾鼻宵銜枚連營傍山寨谷
口忽然飛雹如李梅馬牛斃野大木拔暴流怒發聲喧厖
是時危坐待沒頂詎料雨歇濤頭回軍行偶爾得空舍解
鞍暫慙無疑猜門前遺火竟誰厝焯焯已及硝磺堆倉皇
欲出不得出頃刻將化昆明灰以裘蒙首急伏地大聲一
裂如轟雷焦椽爛瓦不知處面目無恙粘青苔平生絕險
此二事廿年首白難重回聽君語罷起長歎不經困阨無
良材人生萬事有司命水火不殺商邱開即今無事撫髀
肉上頭千騎東方來塞馬久應識倚伏海鷗何用生俳侗
爲君引滿浮大白有酒不飲胡爲哉

西螺柑

橙黃橘綠一天愁賴有嘗新慰滯留欲寄書題三百顆故
人多在海西頭

露葉烟枝傍水涯洞庭春色漫相誇素羅雙帕無由致不
及金盤進

御瓜

臺地西瓜味殊不佳
初曾以充貢見郡志

國

病中

一念新羅已杳然賈胡留滯忽經年憑陵赤坂疑無地指

點滄溟直際天豈有奇文誇海外獨饒新病怯尊前蠻花
犵鳥猶知我客裏相看倍可憐

半舫偶題

荒城斗大賦山囚却有窪尊似道州砌畔花開羅漢面曇
一本抽十八莖人以窗前果結釋迦頭果磊塊如何人爲
爲當十八應真之數下常懸榻此屋原如不繫舟歸去茅檐閑炙背烟濤還與
話瀛洲

檳榔筍

檳榔初出土一二尺許如竹箭外苞籜中膚白而
嫵味如筍煮食甚美臺人三四月間取之用相餉

遺云

青子和灰曾代茗鮮檳榔臺人謂之青子白肪包籜復中蔬蠻鄉風
味新奇劇坡老徒誇食木魚

消食平生不諱飢書來何事戒冰脾有言此物性寒不宜多食者蔗霜
蒟醬殊嫌膩芒角枯腸此最宜

烟雨蒼茫暗一林長鑱木柄欲相尋無因却致韓康伯根
觸中原萬里心

大湖行館

候館誰牽馬行厨祇食魚異花驚絕域修竹憶吾廬木客
催尋藥波臣託致書一漚如許借自足不求餘

喜雨

誰言井底泉能應海上波但看園中花足知田間禾井枯
少涓滴花薦無婀娜顧此不足道將柰吾民何昨來走羣
望所惜冤白鷺事急一投牒祇恐遭神訶竟獲允所請諒
我誠匪佗枕上聞淅瀝疑是風聲訛三更疏點布四更急
陣過披衣起清曉砌下成滂沱澄臺一以望海雲高差峩
雷聲起何處隱隱鳴潛鼉郊原雜青碧但見笠與蓑灌爪
泯楚釁插秧學吳歌即我不耕食所得亦已多長我舊栽
菊活我新種荷書池玩蚪斗畫壁憐蝸贏魚游意已忘鳥
唳聲更和詎惟慰勤望並欲捐煩疴呼奴酌白酒勸客金

叵羅

齒落

香烟不盈寸午夢忽已醒漱口承落齒蠹穴嵌瓏玲前時
輔車動颯飈久不甯今茲無所苦豁如脫關扃因之悟化
理氣候如毒疔蠻方乏霜霰冬卉繁郊坰亦有舍旁樹一
歲葉再零道署有樹葉似榕亦有實春秋兩度
落葉復生問之老卒皆不知其名時至自勃
鬱氣散無留停人生非草木造物勞我形况復煎膏油自
燔以出馨不如捫吾舌默坐存黃庭所惜編貝狀漸次成
零星存者鋒亦敝干莫非新斲大哉與硬餅競欲欺伶僂
稍遲更缺落飲乳空餘腥急須爲苦筍脫此青衫青

新得荔枝一盤即夕邀客食之

山雨頻催梅子熟海風新送荔枝香試看神女肌如雪休

問麻姑髻欲霜窮髮加餐聊自慰攢眉勸客且須嘗時未甚熟

味尚酸天涯豈易逢尤物未害風流在瘴鄉

恨無玉版謁尊師臺地筍殊不佳常笑金盤薦穆之但劈輕紅搖

食指還浮大白沁詩脾閑來種樹能通術果欲歸山豈待

貲信是南游專為口滯留江海已多時

小眠齋口號

半穗香烟萬念灰小眠初醒一編開何人肯復哀吾老正
用此時持事來

即事

一編入手百憂空讀罷追涼小苑風芳草意隨行處綠離

支顏勝去年紅今歲臺郡荔實大盛其佳者不減內地爭田漸解聽蠻訟伐

木閒思課隸功更上澄臺聊極目嬾將身世問飛鴻

盆中白蓮

何必峰頭十丈懸一枝風物便鮮妍滄溟萬里休嫌濶歸

去堪乘太乙船

汲井埋盆笑學韓經句未得一花看輸他老卒探驪手喚

出馮夷捧玉盤此花係鈴卒所種

已是淤泥不染身肯教脂粉浣天真有情無恨纔能爾未

許龜蒙作解人

餞臘迎涼竟未休

臺地荷花四季皆開張鷟洲侍御有荷花送臘菊迎年句

無端詩思

動滄洲年光付與花光送準擬航船恣拍浮

後二日端午

出郊至船廠督修戰艦

十年人海任沉浮漫浪無端出九州正合與官充水手未妨呼我作遨頭生涯擬託莊周瓠歸計猶虛范蠡舟枉說癡兒能了事不知身世尚悠悠

春初種藕池中久不出葉後稍稍出而不繇以為花已無望矣五月間忽發兩枝皆紅色一枝中含雙朶如重頭然一則中分三萼形類品字瓣皆表大

而裏細色則外淺而內深苞裏重疊附鄂分明此種曩所罕見詩以紀之

江上多夫容胡為汎瀛海迂哉任公子坐釣知幾載六鼇骨已霜蓬萊竟安在小池深尺餘枯萍黏礪碗汲井疏清泉種藕將有待經月無田田頗疑圃師給徘徊重裛哀得葉吾不悔詎知曉鏡中兩枝茁蓓蕾絳裙足連跗細苞玉三采翡翠巢雙棲鴛鴦翼交綵偉哉造物者殷勤意無息默識種花心事半償且倍我無錦十重又乏珠百琲惟應遂初衣芰製紉蘭茝旁觀見未曾異種得毋乃花樣競翻新一笑付真宰回看修竹林四序色不改

重陽前五日有饋蟹者時予病小愈約同人持螯把酒爲樂

平生注爾雅蟲魚競細碎一爲捧檄行此事悄然廢况兼
嬰痼疾伏案氣輒礙遂欲棄筆研忽如農舍耒終夕守一
鐺此腹成藥碓秋風海上來涼應蘇病肺黃花雖未繇綠
橙已可愛朝來食指動寒蒲束幾輩郭索非惡聲蹒跚有
餘態老饕興忽狂忍俊不容耐檢點尖團形商量椒薑配
排日飲亡何屈指佳節逮異鄉風味惡賴有故人對小愈
自宜防大嚼未敢快庶無勸學誤差免雕蟲悔一觸江湖
心扁舟渺鯪菜

戲詠樹上白頭翁

翁姥相呼意轉親江東子布漫生嗔伯符公瑾俱天折到
得白頭能幾人

鳳山道中

一縷上炊烟連村欲暮天竹林風掃禿谿石浪淘圓埠長
分泉約臺地水泉設立埠長巫師劇社錢獨憐冬候暖秧

碧已平田

贈鳳山大令杜少京紹祁

雲海光中絕點埃衙齋山色半屏開傳家唐律詩千首君家
叩彈集原作吏蠻方水一杯香稻剩留鸚鵡啄縣出香米番人所種

高枝應待鳳皇來築城敢道非吾事且覓琅玕萬箇栽時方與君議築城事君先令栽竹爲圍捐俸爲之

病起行署後小園

日出能無事風來便有情歸遲農節誤病久道心生枹屐行泥穩柳冠試沐輕園丁忘我在荒蕨任縱橫

澄臺望海

乾坤底處有端倪蒙叟難令物論齊河伯望洋休更歎可知海若亦醢雞

張瓊瑀爲予寫扶桑一幅因題其上

水國春陰護板扉仙葩合與飼蠶肥繭成如甕絲如血不

數猩紅覆地衣

牡丹祇許和酥黏金鳳惟能蘸甲尖別有風流傳荔譜赤

漿盈椀漬紅鹽蔡君謨以塩梅浸扶桑花汁漬荔枝謂之紅鹽

千丈蟠根碧海東十洲記扶桑在碧海東長數千丈全勝百日半年紅紫薇

爲百日紅見宋人詩集臺郡志又以夾竹桃爲半年紅云何因却植通明殿照徹丹霞

影正中扶桑一名照燧紅

故人幾許費燕支一幅鵝谿寫折枝我亦枯腸苦搜索爲君拈句比紅兒

早起至船廠督挽戰艦交營

統鼓連聲接曙鐘西郊未別且從容溪流夜漲潮痕在沙

路朝晴草色濃歸興龜鼉殊可駕曠懷魑魅慣相逢飽看
藏壑頻遭徙一笑虛舟任所衝

惜字歌

陳生鄭瑞居臺郡西門外平生愛惜字紙天性自
然見片楮隻字棄地必取而投諸水火每於瓦礫
中檢碎磁片有字者鐫磨去之其袖中常攜鐵鑿
一枚人或不知其何爲者今年夏余歲試校士拔
補博士弟子司訓王君聚奎爲述其事而求詩於
予作此贈之

吾儕足傲虞姬壻識字非徒姓名記偉哉倉聖萬古功一
丁差勝兩石弓糞土何人恣狼籍元經覆瓿不知惜世人
但晉秦始皇焚餘猶勝爲希囊何怪荒郊鬼夜哭不如飽
死蠢魚腹陳生海外守一羶抱此區區殊可憐斯冰骨朽
數千載掩骼埋胔賴生在更憐近代多好奇細書布滿著
色磁一朝失手甌墮地泥中恍惚成窰字陳生見之輒攘
臂大石粗沙競磨厲此意堪爲學子師拜經瘞筆徒爾爲
嗤他詩禮稱儒者袖有金椎祇控頤

積雨遣悶

海天風雨欲平沈六月陰涼襲葛襟溼氣朝看黃耳菌老
懷閒羨白頭禽空階久任無心滴野草偏如有意侵不是

維摩頻隱几聊將震撼試潮音

鴈來紅

三年長劍倚天東手種扶桑映日紅
數徧園中間草木獨將心事託飛鴻

岡山道中

木杪行人度籬根稚子嬉草荒眠鹿曠
風墮掛猿枝白屋貧如許青山自不知
林端鳴絡緯能得幾絢絲

鹽水港

十月曉寒輕寒帷問去程野
花檐外朶蠻鳥樹頭聲
席地時防曬臺地鹽皆海水曬成
沙田近廢耕眼看流厲夥何

計活蒼生

斗六門至沙連堡

天將奇險界諸蠻十八重溪灣復灣
負弩屯丁頭片羽裹鹽峒女耳重環
漩渦中有石彈子老樹根多木假山見說
桃源堪避世白波青嶂詎人間

淡水道中

犖确疲行役肩輿得暫眠郵程榕記里
番俗黍爲年蠶柱通溝尾蠶魚尾置溝中則不淤
邊 壕山出屋顛鄉心託飛鳥已在夕陽

竹塹

淡水同知治雍正間始置

地闢洪荒近天圃
渤澥寬海雲生處
白山雨晚來寒
但足魚羹飯
何須鸞殼冠
時清息烽火
有竹報平安

哭女隨珠

詎有門楣待爾強
祇憐嬌小似平陽
銀魚昔每從爺覓
金鹿今聞比母長
幼却羶腥應夙慧
貧疏羅綺尚新粧
誰知未嫁先黃土
裙布無緣愧戴良

十年京國洗鉛華
千里關山未見家
官閣牽衣成死別
鏡臺留照剩空花
杜鵑屢滴思親淚
精衛難迴汎海槎
一種天涯匏繫憾
層峯何處哭韓拏

立冬日張瓊瑤饋黃菊花

三年海外愁風雨
九日尊前感歲華
病客朝來添白髮
故人秋杪送黃花
炎方本不因人熱
正色才能辟物邪
漫說小陽桃李豔
幾番開落見天涯

以吳門藥酒一罌餉張瓊瑤

虛從海客話瀛洲
藥物蠻方未易求
多病敢誇醫國手
無功合拜醉鄉侯
嘗新紫蟹來何莫
耐久黃花尚似秋
安得鳳凰臺下路
君僑居金陵爲君千丈築糟邱

冬日郡郊述懷

炎徼時無準
經冬未作寒
白雲蒸海熱
碧樹裹烟團
曉市魚鰕賤
豐腴鳥雀歡
郊西逢獵騎
爲覓鹿皮冠

歲事從人問官聲轉自疑貧緣安命早病學養生遲對客
常求藥歸裝只辦詩猶餘幾兩展未了一生癡

因病得告

刷髻微星已自憐更何心事覲華顛清時多病終無用絕
域能還亦偶然半頃荒田春雨後三間老屋夕陽邊一閒
償盡平生願敢爲尊鱸效昔賢

除夕

閒愁不逐酒杯空贏得衰顏暫借紅花事尚如三月好燈
光又與一年終海山兜率商歸處香案觚棱憶夢中爲問
青春誰是伴片帆吾已約東風

甲申元旦試筆

怪道參軍語帶蠻三年魚鳥笑人頑將隨鷗下無機地已
在鴉飛不到山臺地無鴉更鼓疊催鄉夢短簿書剛了宦情閑
紫宸青瑣高寒處回首風塵愧髩斑

得告後閑居候代小牕展卷終日蕭然率成一律

藥爐茶竈小徘徊依舊埋頭故紙堆門不誰何無客到筆
非畫諾已神來真看海上生明月莫向風前奏落梅爲問
宏農坐嘯客不妨尊俎定常開時碧軒太守亦
以入覲侯代

留別張瓊瑤

羣兒拍手趁山公老葛并州氣獨雄酌酎乾坤纔一馬笑

談辟易已千熊我行慣值盆翻雨君去須乘船趨風時君亦欲

附海舶下視蜉蝣何所戀願隨雲將問鴻蒙

讀畫敲詩且未休玉山猶恨不同游山在嘉義君前三年掌教玉山書院

作客千場醉萬緒縈身一夕抽各有青氈為故物相期白

首亦風流芽薑箭菜江南味領取歸時滿意秋

泉州道中

百里青山管送迎嬾尋翹鷺問郵程從教男子張君嗣免
得疲勞百病生

午日

競渡空佳節生還尚異鄉蛟龍雖未得蒲柳總堪傷嬾學

靈均問問尋抱朴方頰桐好顏色回首惜年芳臺人午日摘頰桐花

簪髻謂之龍船花內地絕無此風

興化道中

五月吳綿未卸衣三苗按節劇思歸青林欲雨先通潤白
水宜耕自釀肥款段不求沙苑騎桔槔應息漢陰機何須

五十平頭日始識風塵面目非予今年四十九歲

贈章孝廉于田君多蓄佳硯及青田壽山諸石

一室圖書靜終年不染塵論交惟有石養性且如醇小沼

深藏月閑花久駐春偶來共幽賞魚鳥若相親

予自投簪組歸心滿石田袖藏東海小舟壓北風顛商榷

印人傳摩抄陶史編與君同結習回首漫雲烟

求是堂詩集卷十八

歸田集

涇縣 胡承琪 墨莊

小園梅花初放邀家大令玉鑊小飲

游儵依潛渦飛羽睠故林豈不樂翔泳倦矧非所任廿年
走南北鬢髮衰駸駸望洋忽回面歸岫茲息心釣游宛如
昨農圃方自今春風何時來花氣通牆陰清流帶仄徑物
化觀魚禽念我同袍者夙契如苔岑跌宕到文史披豁開
胸衿隻鷄亦成局斗酒皆可斟紅樹日以暖碧草日以深
庶茲習腰脚山澤相招尋回首人間世行路何崎嶇
春日過玉鑊種松書屋因同至仙石山間久憇

不覺春將半尋春一訪君松疎猶帶雪石暖欲生雲僻處
忘時事奇情識古文時出視所藏鐘鼎彝器村居無限好烟景日紛
紛

無恙青山在相看白髮多把詩將老送不飲柰愁何溼磴
疑神髓虛牆託女蘿年華應倍惜從此屢經過

清明後二日烏柴看桃花

烟村盡處人家稀寒食游絲高下飛兩山夾澗白波寫一
水護田青鏡圍山前沙石通村路記取年時釣游處花枝
爛漫詫未曾恰似元都後栽樹豈知山後景更奇游人已
識蜂蝶疑周遭錦繡萬花谷拂拭珊瑚七尺枝微陰籠罩

更明眼夕陽乍露仍迷離桃花能紅李復白一半含苞笑
迎客連旬風雨未摧殘曲塢留春得天惜山童愛實不愛
花誇客熟時收百石酒人逢花興最狂胡麻未飯聞酒香
山頭藉草踞花頂舉杯吸盡流霞光廿年看花長安道釣
臺一別跡如掃京師西直門外釣魚臺桃花最盛早知家有武陵源萬事
何如故鄉好

題趙聘之靜觀圖

禪榻無風妥髻絲塵埃野馬意俱遲知君自有安心法只
在焚香掃地時

知閑見地已非閑習靜言辭更可刪不用逃虛挂藜藿閉

門城市即空山

翥雲孝廉鼎元 世孫 茂才招集溪上書屋看海棠

一夕虛簷急溜懸娛晴沙路輒於綿遙山瀑布猶疑雪傍

水春陰欲化烟燕子心情憐故國海棠風景話當年 余齋中舊

有海棠一株花時輒置酒其下今根株不復存矣 主人恰似歐梅侶預約堆盤斫

鱸鮮

座少車公正惘然相逢歧路忽相牽 是日蓮浦孝廉以事他往鼎元適要於路

遂與 陰晴每苦春無準離合方知事有緣都把閑愁銷酒

後久拚浮世付花前明朝風雨渾難料好囑東君莫放顛

四月五日鼎元招集半山居看杜鵑花

山青雲白處迤邐到君家換得金魚酒來看謝豹花矮盆

堆火齊虛牖納晴霞一笑朱顏在憑欄醉眼斜

夏氣連朝劇春光此地留花枝名借鳥石屋勢如樓晚色

松林寂微風桂樹幽酒徒餘興好相約會清秋

灌佛兒童笑語譁避喧一徑上山斜七年作計思栽樹 昨

白躑躅一株野人云須七次栽培方成杜鵑 萬里歸來為看花盡取風光還我

輩更無別恨到天涯青鞋布襪從今始便是雲門與若耶

今春與翥雲孝廉各種盆蓮而皆不茂五月十三日

復栽紫竹一叢作此東翥雲

汲井埋盆枉自勤種花遲已過春分紅裙取醉非吾事只

合掀髯對此君

檻外牆陰不滿弓自攜畚鍤課奚童綠衣借紫真聊爾未
要菖蒲拜下風

隔日頻澆老瓦盆捎雲心事且休論春鞭尚欲通鄰舍不
獨清陰長子孫

琴谿十里碧琅玕聞道如今斬萬竿

琴溪竹園最勝今為俗人盡開為田久

客歸來書疏斷小園憑爾報平安

詩成聊復問東家可有苔痕剝淺沙料得先生同竹醉露
枝風葉共欹斜

七夕

久病渾忘天上事多情猶結世中緣桑麻愛聽三農話瓜
果間尋七夕筵夜氣涼生新雨後秋光明到小山前年來
此會無他祝但要飢餐飽即眠

中元後二日同人過飲小園即事二首

病宜塵事少閑愛故人來掃徑留花當經旬曠酒杯點茶
荷露滴蒸玉粟房開一夕田園話頻看折蠟煤

穿鍼纔果席剪紙又蘭盆仙佛殊多事山林得放言風傳
幽桂馥雨洗古苔痕更待涼蟾滿還尋釣石温

是日預約中秋至溪

頭水閣小集

和玉鑊悼亡之作

東華會記共琴尊假日尋君屢啟門樂府方歌三婦豔舊

巢偏掃九重痕丁丑君厲京師米市胡同與余居隔巷過從甚數旋散館改外挈夫人及二側室出

都今皆已悼亡矣浮雲往事真如夢墜雨連番更斷魂漫向蒙莊

詢擊缶卅年心緒豈堪論余元配鄭恭人沒廿八年矣

團扇唵成我亦狂本事見前團扇曲却看春樹到秋霜遺雛兒女

情難惹瑣事齏鹽憶轉長萬慮祇應憑醉忘六人強半是

神傷昨夕小集坐中六人未經悼亡者惟翥雲孝廉耳偵春只有梁鴻好紙閣終

年對孟光

贈趙明經夏宗校

不著元文八一家只將奇字教侯芭君著有字書搜羅篋衍傳

詩版謂所刻谿叔先生集簡點餐錢付畫叉佳節乍過餘艾葉五月為君

七十初度醉顏長好似桃花陵陽自是神仙窟暇日同君訪釣

車

中秋前三日同人游石巖山夜宿圓通菴攜酒石上

飲至三鼓方罷

青山如故人別來愈久見愈親故人更比青山好贏得形

容各蒼老山中黍熟雞正肥去年故人招我歸薜蘿滿眼

不知徑松桂量身過幾圍尋山興為清秋發况復山間好

明月林塘冪影深沈寥苔磴陵虛坐超忽浮雲散盡羣峯

高夜氣一抹圍山腰露寒侵髻酒光灩大觥小勺皆能豪

十載游蹤出天外詎意今宵故人對空山舊結清淨緣好事重邀真率會山前欲別猶徘徊邱壑頗費經營才草亭一角早思構桃樹千株應補栽人生信是閑爲福有限無窮漫相逐君不見回頭歲月如轉轂昔日僧雛今老禿

十六夜集溪頭水閣玩月

清谿會雙流磐石廣百步小時騎竹馬心識此佳處傑閣臨危橋梯枕盡知數去國近廿年幾不辨鄉樹溪深石復高閣勢亦非故何況閣中人那免髮垂素撫塵渺前蹤憑檻莽迴顧樵隨山影下鳥投村靄莫明月獨有情依人不改度出岫森列星穿林泫微露裊裊水石間清光若留駐既懽故園情復愜良夜趣安用思關山秋風歎行路

九日同人登仙石山歸飲種松書屋

破例無風雨佳辰信足誇閑身銷白晝老境配黃花仙石成終古人烟近萬家誰攜驚絕句咳唾散餘霞社會便豐歲山居愛故人松筠裝屋古芋栗飮盤新夕照偏宜雁秋雲每似鱗醉歸扶路穩頭上月如銀

題朱蘭坡侍講山居擁卷圖

昨日見君顏怪君較勝昔年好今日展君圖知君數腴自有道世間供養窮百端何似看山讀書飽君昔讀書宣武坊欲攬四庫歸巾箱君今讀書萬山裏盡日銓聲落牕紙

豈無傳呼出入從廬兒亦有圍珠繞翠喧竹絲世人所樂
吾知之以彼易此君不爲君從山林居未必憶朝市旁人
謂君可以起讀書亦期有用耳家玉鏤題詩中有勸駕語我識長安不
易居玉堂天上真清虛壘鹽誰肯相料理憑君搜攬胸中
書在山固自佳出山亦不惡元文已滿子雲家箸錄還歸
劉向閣猶憶春明借一瓶風塵偏悔入山遲披圖不覺神
爲王炳燭重追年少時

臘月八日爲朱芝亭秀才六十初度

不作髯如戟逢人輒鞞然有情生佛日無急抵童年蠟屐
休論繙看囊略剩錢澤車將款段何必問飛鳶

與君成久別白首果如新精舍傳經地真堂作記人

予舊館於

君家岫列軒昨屬予爲其軒記

泉甘多得壽兒好不憂貧一笑推排速宮

牆四十春

予與君於乾隆戊申同補博士弟子

久雨乍晴玉鏤約同培墩踏青歸飲梅花樹下是夜

雨復大作次日賦寄

人生無百年我輩均過半春光僅九十屈指能幾算那堪
逾四旬風雨尚凌亂白髮鏡中生綠陰樹底換小牕坐攤
書兀兀失昏旦故人昨見招欲鬥腰脚健陰晴未可知一
紙竟操券鳥語喧朝暎松風釋春困遙山青已重平疇碧
纔寸殘梅留餘花賴此峭寒嫩口暮生幽香霏微滿山館

歸涂月上弦驟覺雲氣變欹枕醉未醒檐溜忽如濺乃知
流光速當前貴把玩一笑天所慳偶爾適人願急起捫燭
槃索筆書此段寄語素心人此生宜自斷

清明後一日招同人飲玉蘭花下即以花瓣作餅玉

鏤有詩依數荅之

春寒猶喜在花前留得瓔瓏玉樹鮮咫尺復愁風雨至好
將煎餅補天穿

紫藤纂纂憶燕京

京師藤花開口亦
常以麪煎食之

廿載歸來聽賣錫合

是故鄉風味好煮茶燒筍過清明
屈指春光又牡丹調酥亦比落英餐莫嫌老缺紅綾齒終

勝何家譜食單

近游

近游無百里風雨亦相侵但覺峭寒在不知春事深鶯花
聊寫意蠶麥總關心賴是家山好何煩效越吟

旌德縣石壁道中

春陰壓山山欲低雨絲拂面風淒淒驀澗時聞暗泉響出
谷獨有幽禽唳谷口人家縛茅住一水彎環繞田護幾日
餘寒不出門春風綠遍門前樹溪上看山山更青天涯歸
客此初經廿年洗盡塵勞夢記取山前飲碧亭

贈沈小宛

欽韓

司訓弁憶包慎伯

世臣

孝廉計偕京

師

耳熟才名近十年相逢先問手中編

昨出示漢書疏水經補疏各種春風

砌草翻蝴蝶夜雨山城響杜鵑自有好書供下酒不妨閑

客坐無羶因君却憶襴衫侶歧路猶難似上天

君與慎伯交最久

次前韻荅小宛

五十休嗟過二年著書贏得等身編清言有味頻揮塵幽

思無端欲拜鵑雨化即看沾素練風流終覺重青羶來朝

且赴游仙約佳句相攜為問天

同人約游樓真山

同人游棲真山放歌

我昔汎海尋蓬萊安期羨門何有哉不死之藥亦徒爾六

鼇朽骨霜皚皚三年坐得重脰疾可知秦皇漢武皆愚騃

不如歸作山中客拾取荆薪煮白石身輕病退即神仙重

理平生幾兩屐偶然乘赤鯉忽復訪白龍旌陽城西一舉

首仙山樓閣來眼中彎膝一徑逐谿轉幽磴百級穿雲封

竹林空翠撲檐宇蘭本暗麝薰房櫳想見昨朝烟雨裏俯

視谿山城郭青濛濛寶子明琴高公咫尺應有風雲通枝

頭一鳥作人語恍疑化鶴來相逢詎知雲濤明滅空復空

名山亦復無仙踪我儕脫落少塵事已足下陵倒景乘長

風洞天闌寂君莫恠

向有棲真洞今不知所在

除是虛空鮮不壞君不

見國初諸老此茶話

寺僧出一卷多施愚山梅耦長諸老詩文墨跡

轉瞬百年徒

見畫

西竺禪林圖卷題後

洞天何處覓石塔竟橫陳

寺旁有卧石如浮圖形

龍象都無力文章

尚有神煑茶終日坐展卷百年人更剔殘碑讀前賢倘風

因

時以續修邑志同諸君搜訪古蹟流連久之

游梓山回登姚氏文昌閣

青山不入城意似招我往褰裳試從之竟踏白雲上入寺
山轉遮賴此一樓廠遙峰橫修眉方罨布平掌樹色春已
深麥波晴更蕩魚鱗疊萬屋雉堞俯尋丈不祛塵中綠那
作天際想歸涂指傑閣飛鳥過輒仰鼓勇更一層呼吸入

清朗星辰攀楯檻雲木合岫幌回看山前路陳跡墮莽蒼
山靈呼欲磨天風掣鈴響

題方明經

維翰燒燭檢書圖

志士何愁白日速恃有焚膏夜牕續都將千古心付此一
條燭燭花怒與心花開眼光高出燭上來長筵不遣照歌
舞一種蠟淚牆陰堆君家隱龍山讀書宅萬卷圍身坐通
夕閑中有味是三餘誤處頻思真一適君不見宋子京上
元佛寺餐寒蠶攜書夜就青琉璃一朝奉勅撰唐史兩行
紅燭如椽題後日豪華何足論讀書已足平生願但得書
高一尺燭一寸好書未終莫留燼

題唐豐谿處士呂從慶詩稿後

廣明天子下殿走竅窳食人如雞狗血污中原歸不得結
茅甘作豐谿叟白馬一夕屠清流物外幽人得天壽風塵
不到釣魚磯留得詩篇卅五首詩中自比陶柴桑御風欲
造星辰旁處士題金鼇山句想見編年紀天祐眼底詎復知朱梁
風月村烟雲社落落天機任陶寫占奇何必羨方干徐天祐方
干島詩占得鏡中奇絕處祇緣身值廣明時作傳空煩有舒雅人疑處士如神
仙豐谿即是桃花源我來谿上問釣竿神仙眷屬猶蟬媽
抱詩示我近千載清風颯颯生遺編百家衆妙搜輯不到
此會須更後三千年

為玉鏤大令題松下讀書圖

圖係君少日所作

鬱鬱澗底松自具干霄勢松間讀書人本有經世志松身
老作支離疏讀書之人今著書圖中尚作少年相松已蒼
髯人白鬚讀書宜少年著書應待老世間萬事非草草種
松有訣書有道燒松子餐松花清雋不拾人齒牙松生滿
谷書滿家縱使垂金揭玉何足誇憶昔尋君種松屋垂老
偏同返初服待君書成我能讀也似松風耳根熟

五月四五等日子與玉鏤相次招飲玉鏤有詩即用

其韻

綠陰村巷鎮相連互約佳辰破塊錢期集更無生客座醉

醒剛度熟梅天杯觴到手空浮蟻花鳥關心愛杜鵑昨在玉鏤
山齋終日聞子規聲而驟雨清風皆有意歲華何事不堪
做館杜鵑花亦正放

為崔伯弁學博騏題其尊人丹崖遺稿

卅六峯前客長為抱鄴唵棲遲千里志牢落一生心清濁
頻中酒成虧不鼓琴寥寥冰雪意何必問知音

采藥龐居士修真孫隱君鹿門無限好鳳吹有時聞苦語

懲龜手謂所著覆車懸鑑
極言俗醫之弊殘編輯伯弁輯存者僅什文

之一家風知不泯珍重水亭雲

玉鏤招集古方家園看蓼花以三絕句索和依數答

之

絡緯鳴秋一徑斜秋光只合屬山家誰知蜀黍戎葵外古
屋無人尚蓼花

不是張融岬上舟水菘何事出牆頭求田問舍仍高意誰

要劉郎百尺樓玉鏤將於此
築室故云

故國秋瓜種欲成江花江草見應生無端却被催詩句棖
觸天涯廿載情

中秋前一日半山居看桂花賦贈鼎元茂才

山村高下秋光濃出門滿路聞香風尋香一徑入松竹小
山幽處淮南叢就中一株更麗最清陰罩定百間屋聞道

花開香破山牆頭幾尺堆金粟主人開筵惟恐遲花雖未
盛香動枝平生所見萬萬本除却善卷無此奇

善卷村在常德府桂

樹最明月連宵已如鏡自是高寒有本性不經冷露與清

風殘暑未銷那肯盛馬塍窖法誇燕臺獨能不共塘花開

見癸辛朱門一樹僅如指鄭重欲把金盆栽怪爾腰圍大

幾許託根竟免同梨灾

園中梨樹今夏為風所拔

不眠吳質漫相笑自

古山中多散材

陰雨連旬中秋已過玉鑊招集桂花下

久雨妨佳節輕風作

去聲

晚涼拚將明月色換得好秋光樹

寫團欒影花薰鴛耨香雨番休更較

時桂花已開第二次一醉總堪

償

碧色連松徑黃雲接稻村陰濃剛覆席香重欲遮門幽谷

寒蟬急深叢野雀喧粗知無隱理久坐轉忘言

鼎元送折枝桂花

探花纔識一分秋十日金飈鍊作毬乞取天葩自供養枕

函衣袂盡風流

一枝宛爾見全身金粟如來妙入神他日相逢應小異眾

香國裏住經旬

九日仙石山登高

青天一握山四圍山風叩石開岩扉林深無塵坐隨意有

扇不遮西日輝微紅萬樹逗霜影淡白一線縈烟霏重陽
故事此登陟去年風景殊依稀石上莓苔舊印屐樹根薜
荔新牽衣吾儕聚散亦天意青山白雲無是非神仙之樂
樂何似但取散誕忘銜鞿况復江鄉屢豐稔白酒正熟黃
鷄肥既飽歡娛亦蕭瑟杜月出自向山前歸君不見南海
鯨波沸戰艦西涼虎旅懸鈴旂復聞秋風下河決流離滿
路皆寒饑何人畚鍤脚不襪對花把盞應歔歔登臨咫尺
力已倦老矣空山甘息機

翥雲移居戲贈

君家舊居苦迫狹每被比鄰惱鵝鴨曲巷偏從溷圍過小

亭半被茅柴壓一枝殊未穩鷓鴣五夜空聞喚鷓鴣三千

里乍轉驢磨十八年纔熟羊腍君舊居賃住十八年今計

矣等閑梁燿是傭春隨處劉伶堪荷鍤詎知爽塏十倍勝

容得團欒一家恰攜將蠟屐便登山快似扁舟初出峽門

外層田索作梯雨餘流水清堪聞地偏場圃儘多閒市近

盤飧頗不乏况聞首藉盤闌干即見槐陰牆爰業君以謁

博宛邛學舍任打頭司業酒錢供腐脇醉鄉滋味獨能知

仕路風波不須怯此時且作隨人計他日終當用我法但

求茅屋覓石田早束琴囊拾劔匣瓶中多秫已如陶架上

有書何必鄴久眠林下夢都輕始信塵中脚難插未能旋

馬拓廳事祇備租牛署券押待君歸日聊相羊把酒看花
同一呷

冬日同方明經 維翰 汪秀才 源 呂秀才 偉山 登霞谿

水閣

衰柳長隄繞郭彎偶凭高閣出塵闌沙明迴劃雙橋水木
落平看四面山歲莫懷人頻入夢 謂沈小宛學博春日會同登此 天空飛
鳥獨知還春光瞥眼成蕭瑟恠道重來鬢易斑

旌德宋烈婦

石闕銜碑古井深空房絕粒淚盈襟孤皇不恤長飢苦弱
草原無獨活心自以清虛歸淨域羣將堅忍比貞金柳山

峻極梅谿冷抔土從教過客欽

歲莫詠物

門神

度朔知何處圖形尚執戈功名終歲短面目傍人多舊夢
聽魚鑰閒情看雀羅會無生客到不用爾誰何

春帖

采筆干霄氣何如里塾師三錢渾不值兩字恰相宜久逐
桃符退新從板屋施猶憐燕市好花樣紀干支 京師人家春聯多取
本年干支作對

年餅

團圓名自美沛稷雜吳秔設豈同寒具翻應趁熱鐺歸餘
成故實俗以年餅祀神遇餽歲亦人情信是豐年樂兒童
了不爭

竈餽

詎有黃羊祀貧家只辦香比鄰分酒盞老婦拜燈光肯爲
簫聲媚聊隨鏡聽忙膠牙渾不用吾自對穹蒼

紙錢

百萬兼千萬黃標復紫標滿將神庫貯高入糝盆燒手攬
甯馨冷魂依阿堵驕橫鑪三十具一例撥灰銷

爆仗

年光渾易盡尚著此聲催破曉驚幽魅先春起蟄雷中宵

烟火發萬戶建章開

宮中自封壘後凡御駕臨幸每至一門輒放爆仗又元夕

圓明園放烟火至起時花爆轟然萬響齊發仿佛釣天夢茅檐却話來

竹馬

瓦狗泥車罷還能劈篠騎送迎銷宦夢光景憶兒嬉手弄
青梅子行歌黃竹枝深源甯作我那肯拾人遺

泥孩

補天誰妙手餘事且搏黃造物嬰媿相人間傀儡場笑啼
空面目機巧漫心腸尚自嗤桃梗相看孰在亡

壓歲錢

百日能無澤年頭博喜歡畫叉頻夕取撲滿幾回看鄭重
青銅選商量白晝攤諸孫羣繞膝破却老夫餐

迎年鼓

蓼蓼秋社後送臘又傳聲似報千門啓還催百草生近隨
街柝急送和寺鐘清莫笑朝參嬾猶能祝太平

京師有太平鼓

吉祥花


整整復斜斜工疑出內家殘年偏絢爛儉室亦繁華銅盃
諸天供銀幡一笑譁誰知瀛海外蓮菊是真花

安樂茶

送老齏鹽富佳名占一窩清宜書味足淡覺道情多潑散

留歡在淮南人家歲莫宴集曰潑散見韋蘇州詩集屠酥奈後何青絲將白玉

贏得醉顏酡



卷一

七

